

華容縣志卷之五

文林郎知華容縣事狄蘭標重修

官師志

縣令  
巡檢

教職  
典史

僑寓

守令之責並重也而統治分治縣令於民最親又爲之輔以佐雜翼以師儒俾各勤其職且相與以有成也華邑蕞爾之區具瞻尤切貪廉仁暴朝廷之黜陟猶後下土之德怨早分茲于官斯邑者詳其姓氏紀其行事俾閱者指而目之曰某也盡職翰墨之榮典册之光也某也曠官向隅之泣斥辱之加也頌詛在一日而薰蕕及百年守斯職者能無感于心乎志官

華容縣志

卷之五

官師志

一

師

〔晉〕杜預字元凱京兆杜陵人代羊祜都督荊州開華容河起夏水達巴陵千餘里內瀉長江之險外通零桂之漕南土至今誦之

〔南朝齊〕庾黔婁江陵人性至孝爲孱陵令政有異蹟父在家遭疾忽心驚流汗即棄官歸每夕稽顙北辰求以身代父亡廬墓側仕終散騎侍郎

〔宋〕謝炎字化南蘓州嘉興人端拱初舉進士調補昭應主簿徙伊闕連知華容公安二縣卒年三十七

朱顯之仁宗時知縣縣通安南港多水火患顯之圖

徙未就後陞比曹郎中知岳州

黃照仁宗時知縣乃請于顯之倡邑豪四十餘人輸貲遷復隋故墟築隄爲防至今呼黃封隄

胡綰孝宗時知縣訪章臺遺跡率邑士張左林輩簣土築臺又於縣北構楚觀亭政暇與諸士眺焉政尙廉平嘗有詩曰我爲平易政不苛無復遣人奪農作看汝鼓腹樂太平老瓦盆中盛酒酪

劉嘉光宗時知縣旌三孝女

劉無欲寧宗時知縣造北河浮梁民甚德之又嘗撰孝女記

華容縣志

卷之五

官師志

二

趙希哲理宗時知縣易惠政橋爲龍津修之掘地獲軒轅祠斷碑云漢太保胡公重修又撰鼎山廟記王烈理宗時主簿兼縣丞與趙希哲同時預修鼎山廟

侯建五理宗時縣尉巡綽私茶塩礬私鑄銅器亦預修鼎山廟

莫巖繼趙希哲歲辛未修楚觀亭

趙恭惠亦理宗時知縣於縣前重創鼓角樓

董賢度宗時知縣楚觀亭火誅茅復剏焉

〔元〕龐居仁世祖末縣尹有惠政

蓋憲仁宗時縣尹秩奉議大夫修伏波廟

季有字仲芳山西平陽人泰定時宰華容嘗書廉勤公愼恕五字於壁以自儆已宰臨湘又宰江西之高

安金谿視華容無異

文宗時任

楊儒林至順間宰華容議新譙樓弗果

文宗時任

王思敬河南懷州人至正間宰華容能導民中和率身先之歲稔俗化四境以寧議新譙樓慮擾民乃諭邑豪嚴元孫出貲爲之而蠲其徭三載

張崇德至正間主簿譟譙樓碑

宋元時宰邑聲蹟稍著者稽之史叅之故志金石

華容縣志

卷之五

官師志

三

間茲數人爾此外尙有宋知縣續良甫陳巖元知縣張禮達魯花赤可馬里丁普恩丁教諭姜武子則皆不詳其行事

◻王士華字彥實淞江鄞縣人進士正統間以都水員外郎奉勅築華容諸防士華與布政蹇賢知縣楊鏊相便宜量財用雖窮壤僻村亦必躬造勸富民<sup>出</sup>粟建預備倉擇胥吏廉慎者與俱歷九載計所築四十有八徵士華邑西土今尙菜蕪場矣

野史氏曰士華非邑吏以有功于邑故不得不載之亦康太史叙耿都督意也不錄蹇賢者懼侵□

志耳

縣令

自明初至作志時凡五十六人若洪武之危孟璞鄭  
璣永樂之丁明正統景泰間之葉長成化之何春李  
濬則皆莫詳其行事方所今惟以故志所載及長老  
所傳者次叙之

張宗哲首知華容諸務草創建署餽祠以開後來

秦文質繼危孟璞嘗署驛事創驛舍

郭子祥創旌善亭

張瓚洪武十八年奏減縣稅四萬石

華容縣志

卷之五

官師志

四

何宏洪武二十八年奏減縣稅一萬五千石

以上洪武時任

陳憲字忠獻以字行四川銅梁人革除間繼鄭璣識  
大體不尚瑣細民賴以安永樂元年遣主簿李整邑  
老尹子文又奏免縣稅二萬餘石

居忠

見流寓

丁明

見郡志

周應規銅梁人繼丁明介潔慈惠卓有政聲彰教剔  
弊士起吏畏時營造方殷區畫咸中民弗告勞以董  
役旅死武當民哭之如父母

白整字思齊順天府豐潤人鄉貢慈仁渾厚廉介不

私時營建北京宮殿率民採大木蜀山中多毒蟲嚙人立死整爲法教民避免在縣十一年陞磁州同知將去民赴闕奏留於是擢武昌府同知仍掌縣事整久諳民情每有徵發率躬歷與商度以應情若父子如是又十年以老致政貧不能歸買李氏地家焉遂爲華容人子孫仕宦科第不衰以上永樂時任

楊鏊字子更雲南昆明人歲薦忠信慈惠興學勸農奏築四十八防民永賴焉以正統戊辰卒于官今幾百三十餘載稱賢令者必曰楊公惜不能盡傳其善政詳見洪山廟記

華容縣志

卷之五

官師志

五

葉長

見郡志

以上正統時任

許傑字廷儀淞江錢塘人鄉貢天順未以監察御史調除繼葉長雄才偉畧設施有條闢縣廨創行署緝儒鬻範祭器至今未易其度在縣歷景泰天順成化初九十餘載以上天順時任

何春成化間任

鮑德字德之直隸舒城人鄉貢成化初繼李濬有修城功

陳鉞字汝威溧水人進士公廉勤慎興剔利害芟植強弱風績犖異八月而邑大治以病卒于官民哀之

如父母刻像城隍廟

成化時任

梁澤字汝霖陝西三原人鄉貢第一擢進士高第改翰林庶吉士拜監察御史成化中調知茶陵會茶陵陞爲州調華容剛正弗憚權勢處貧富咸得歡心修城創厥積粟六萬餘斛宏治元年旱闔境賴以全活官至行太僕寺卿

以上成化時任

聞釗字遠明直隸常熟人進士以大理寺正左遷和易豈弟有古循吏風笞人率用簿筆當路以爲讓釗竟莫從卒于官

徐瑤字信之應天上元人進士老成慈惠有善政仕

華容縣志

卷之五

官師志

六

至布政司叅議

郁勲字元績常熟人進士少年宰邑簡訟識大體諸生事來者必試以文文善則延欸爲處分然不廢公道也減里增戶口餽鬻校毀淫祠未久卒于官

王乾字一清淞江仁和人進士卒于官

陳斌直隸婺源人鄉貢

程仁直隸歙縣人鄉貢

以上宏治時任

周驤淞江秀水人監生寬厚得令長體吏民咸弗忍欺致仕去

喻端四川內江人鄉貢以教諭遷始至裁士大夫役

官夫者劉忠宣公有賜夫六人亦在裁中久之端覺自率以徃公從容受之

胡克忠字誠之澗江山陰人進士病弗能治事棄之去

李文泮南京錦衣衛人鄉貢以教諭遷在邑最久當路以爲能每署上考將遷爲考功所察罷

以上正德時任

張璠字良玉應天溧水人鄉貢性剛正疾惡人不敢干以私任歲餘以憂去璠爲政得收粟法與民約期會自縣倉至五六里外負擔以魚貫入躬坐倉門次第收受之糧長胥吏不得高下手至今誦焉

華容縣志

卷之五

官師志

七

張正字仲理寧國府南陵人進士性坦率能爲民任大事恒以去就當之簡迎送當路者怒弗顧也勤修建首鬢校次縣庭次官亭驛舍自爲營供不以一豪累民亦不使上官知及縣後廨則仍其敝曰後人當爲之耳守已清介其子自南陵來因以其孥歸借民舟送至東陵舟空無一物歷洞庭風波中乃簣土鎮之民豪有力者始藉以集事稍親之已伺得其奸狀輒捕治死或因以破其家民用屏息邑十虎三彪殄焉然聽訟不甚細或以酒失之亦其短也陞延平府同知

王繼宗四川南充人進士謙讓慈惠上下安之處事有條以愛民爲主務不擾召補工科給事中卒於官士民惜之

鄭守思福建長樂人鄉貢以昆山教諭遷性慎密搜剔詭糧權勢家謗訕叢疊不少顧又常以材官暨卒伍侵民田稅額歛擬成故令陳忠獻之志均之上官顧畏郤弗從乃止以憂去

周洪範廣信府永豐人鄉貢醇謹言訥匕不出諸口趙占字吉卿四川內江人鄉貢後遷秦州知州襄陽府同知

華容縣志

卷之五

官師志

八

張文海廣東增城人鄉貢談性命之學著述甚多在縣五十日卒卒時猶出憂民之語

李瑞芳江西豐城人鄉貢老成坦易重儒愛民性復廉遜當路少之疏貶楊州教授尋遷承天府通判致仕後家於華其子孫至今昌盛云

曾禮字子和江西樂安人鄉貢剛正耿介持公道不阿權勢然任直太過竟以此獲謗去

毛銳江西安義人鄉貢喜談陰陽小術多興革以修城起怨爲當道劾去

張襲賢字體士河南光州人鄉貢廉靜優文學有古



人風以採大木迓親藩他出在縣無幾時憚於簿書  
奔走托病乞休奉其母歸母年十九守節素勵襲賢  
以志操襲賢亦以孝聞爲舉子十餘年弗跡官府光  
州人號張鐵頭至是以盛年貧士官聲甫籍棄之如  
脫敝屣所獲俸僅十餘金盡出以償蔬果爲立碑思  
之

葉景芳廣東博羅人歲薦以江陵教諭遷甫一載罷  
去

金鴻應天六合人鄉貢甫七月御史行部按治繁郡  
邸獄數年移京兆獄歸

李炤廣東大埔人鄉貢隆慶初以獲嘉教諭遷尋以  
積粟不及數謫判泗州後遷南安通判

李竒四川巴縣人鄉貢以魯山教諭遷性醇篤無城  
府清苦樹節概與郡丞不相謀主簿胡桂丞鄉人起  
胥史藉丞意自恣竒輒抑之丞怒嗾都御史疏論銓  
司察其誣留之竟陞襄王府審理去

以上嘉靖時任

田大年字若彭四川定遠人萬曆甲戌進士授知華  
容縣盛年長材周知民隱始行義社法又寬民蕪出  
庸調而薄收其租供兩稅而止因以爲平準不責息  
富商大家無所牟大利而民力裕竄徙者皆歸遇水

早輒爲民請蠲若賑以時至民益有所藉每徵輸令  
下令民得自赴無勾攝民益感舟車牽挽惟恐後不  
輕予杖無一疾言獨嚴胥吏輿皂少有過不輕貫卒  
亦有所畏不政扞文網躬操清白而威嚴生始若不  
可犯而要歸之平恕民仰之若神君矣暇則進諸生  
訓課之諸生因而成名者若干人其餘教及旁郡邑  
比徵直禁省猶不忘下邑視之與故閭井同言及賢  
令兒童婦女無不知有田侯者其詳見鄭太史修學  
記吳叅政修城碑及野史氏生祠記中萬歷己酉舉  
行入名宦祠

華容縣志

卷之五

官師志

十

孫志曰田先生之澤遠矣愈遠愈不能忘惜也甫  
去而科田令下邑田賦戶口至今尚不能平是民  
之不幸也夫

楊企周四川富順人鄉貢以盧溪教諭遷中准巡鹺  
使者論改散秩尋罷

周祉江西永新人鄉貢質直能任事釐正除弊禮敬  
賢者比覲還以主藏吏盜帑金爲直指論調在郡邸  
惟一子驟聞其死於家遽卒

孫春芳廣東揭陽人由歲薦萬歷間知華容時戊子  
歲大水旱餓莩滿路盜賊起春芳力請罷徵放賑又  
請公帑修隄使民得食力數以去就爭之乃得報可

且移旁郡粟以濟春芳歷窮鄉親散之已又爲粥食老弱不能行者民因甦焉在任數年孜孜勤民事不欲以一錢自私又不欲詭隨人後調馬平官至王府長史舉入名宦祠

周元勳江西南昌人鄉貢文儒謹守不自污上官撫故周令事劾調裕州學正稍遷爲上思州知州卒鄒時泰福建東流人鄉貢以論劾調廣西布政司照磨

段之黃雲南曲靖人歲薦性清謹甫二載以內艱歸爲直指論劾罷

黎獻臣字本初江西南昌人鄉貢明敏有才斷能自握筭不假胥史手宿弊驟清未二載左遷王官去羅大用雲南安寧人鄉貢以大計罷

王緒江西貴溪人鄉貢以安義教諭遷廉靜最近民能爲民興利任勞怨弗顧修築諸垵堤具修堤碑中先是華容自田大年後輒數載一易令鮮有成績緒始歷五六載獲上考遷應天府通判民不能舍爲立生祠豎碑石其德政詳碑記

以上纂  
孫志

李雲階字膺平閩人爲政惠而敏值歲巨浸蠲賑全活甚多修隄防獎士類購書儲學宮纂修邑誌

崇名宦  
記

祠

李逢春蜀人以昌平守復任華邑務綜名實而催科持平萬歷四十六年修城邑人孫齋齋爲記碑於

陳介陝西人

夏光裕蜀人禮名賢勤撫字屢議蠲減稅華民爲立去思碑

戴文選字拙餘進賢人崇正間由舉人蒞華時華困于積逋文選力陳數千言請予豁免民賴甦息隣邑皆得因例遞減有差崇祀名宦祠

胡順鹿邑人鄉貢溫良下土徭賦不擾民至今思之

華容縣志

卷之五

官師志

十二

甯用輒廣德州人

王佺居字子雲吳縣人天啓辛酉鄉貢下車數月韜諱不露潛悉情僞摘發擊斷不遺餘力豪滑爲之重足屏息時邑糧偏枯料田均稅民賴以安

趙希孔東莞人崇正間任

國朝

王光祖字華先泗水人順治丙戌蒞華時邑尙餘寇孽公初至示含容已而密請于上加殄除焉撫流亡飭學校邑之生聚教訓自此始

方躍龍字紫雲浙之於潛人順治己丑進士庚戌蒞

華以十二里殘廢編爲六里始無偏累時奉文報糧  
稍浮邑人賀立廷等各捐資助唐孟侯以鳩鵲有心  
歸土叩閭復得豁減

黃中璜字素侯大興籍浙之山陰人鄉貢恤民禮士  
賢令也

王長慶字茂遠陝之龍德人政尙嚴毅椽郡吏以事  
至者一以禮法繩之每歛足去

徐啓泰字大來浙之武義人順治己亥蒞華繼前令嚴  
霜之後春溫可掬士民懷之其卒也力難歸里士民  
遂以之葬邑東花磚頭且歛費建碧蓮菴于城北隄

華容縣志

卷之五

官師志

十三

畔俾其僕奉祀焉

張尙科字樸餘粵東上海人由歲貢康熙初年知華  
容操守廉介一切常例錢毫不染指公庭肅然性尤  
慈惠不輕施箠楚惟以勤集事人亦樂其平易凡有  
勾攝不敢後時忽以考績去士民驚愕爭往會城訢  
留上科力止之闔邑肖像祀之城隍廟

謝萬上福建晉江人

徐元禹字荆菴淞之山陰人起家例貢性敏甚五官  
並用故憲臣待之如右手蒞華十一載而大半居  
會城然遙制縣事修學墾田諸務未嘗不先期辦著

有治華集至今噲炙 口云

曹鼎新三韓人

季麒光字蓉洲江南武進人丙辰進士嗜詩古文著作甚夥雖簿書迎候倥偬鞅掌未嘗輟吟停披後以虧賦去任卒以文見知上憲得補償而歸

郭廷彩三韓人性犷斷上憲曰爲能吏調劇衡山縣尹復山陰人工烘染亦解草書施藥賑人尤加禮紳士因前縣奉文促迫報糧溢額有生員賀元捷同進士張召華舉人黎大觀呈請減則得豁減三千七百餘石後以老去官邑人至今德之

華容縣志

卷之五

官師志

十四

田雲翼字西邨定陶人以進士蒞華革里役除雜徭性明而能斷聽訟神速不撓於豪民猾吏曾攝巴陵二邑所至令行禁止强暴斂跡後調劇麻陽邑人思之

詹天俊字冠英江南武進人

楊王發浙之桐廬人字春山進士自奉儉約任直不欺決獄如神法在必行然亦以此得謗調補麻陽未幾爲尹府所齮齕去

吳文煊歙縣人進士恂匕儒士顧吏事亦不廢御胥役嚴邑有大故一折衷于紳士府史輩行文書而已

邑人以此多之丁祖母艱去

王國祐三韓人字命臣蒞任未幾即將邑之水防田賦大利大害條陳於上時諸垵畢潰力請發帑修復躬歷諸堤無間寒暑手散工值吏胥無從伸縮常步巡隄上日往返數十里教役者歌以忘勞隨一役肩餅餌犒之故無事桁楊而隄屹然起士民咸德之後挂吏議去餞者幾月餘豎貞珉城隍祠志去思云

馬世正三韓人

張彬武強人以例貢任華

鄒朋河內人以鄉舉任華值雍正四五年大澇隄事

華容縣志

卷之五

官師志

十五

孔棘往來查勘而于庶務亦條條就理其勞心撫字蒿目民艱庶幾慈惠之師云

趙念曾字根矩山東德州人雍正四年署華篆才識敏達獄訟平允時連年大水諸垵盡潰念曾請帑堵修親巡畚築放給帑銀不假胥役擇里中公直有才幹者萬案長李又占胡歷山等輪流督修以故隄身堅厚士民勒石以紀其功有金城孔固留跡甘棠等語隨調沅陵陞直隸澧州知州卒于官

董琰滄州拔貢雍正八年任

張彬直隸武強歲貢乾隆元年任

陳堯叟江蘓長洲進士二年任

章文禮浙江會稽監生三年任

孔煥章貴州龍里舉人五年任

覺羅舒寧黃旗舉人八年任

華嶽靈四川富順舉人九年蒞華性明決崇獎士類力鋤豪猾不數月而吏畏民懷旋以憂去人咸恤之洪成福建惠安舉人十年任

王源洙江南句容人乾隆十二年甫蒞任即密察利弊以邑濱江湖民多恃堤垸爲命而豪猾每匿畝卸役原洙履畝清丈分別堤工夷險照畝派修堤垸各

增高厚三尺更爲建立石剝俾蓄洩以時至今永賴附郭德政橋係一邑興廢明末淤塞原洙勸諭興復改顏慶豐文廟久圯前令洪昌議重修甫樹數柱以疾終原洙繼造俱堅緻裔皇至關廟及邑厲諸壇傾圯蕪穢者盡擇官地建置他如讞獄平反案無停牘善政頗多但求治過急尋挂吏議而去

郭淮浙江仁和舉人十七年任

狄蘭標江蘓溧陽舉人二十三年任



補遺官師

〔宋〕涂淑和字煦庵號臯浦浙之山陰進士性坦直務以德化人歷任甫朞即政通人和時值高宗南渡徵發紛繁而公應之裕如民不受擾復留心輿圖愛華容山水以老解組遂家於邑西南九都在任時署後有五帝祠遇疑獄則叩之神與告後迎祀于家壽終邑紳士同其子墓于所自營之宋田山桂花園爲樹碑碣足徵至誠之感神人不殊矣迄今子姓繁衍簪纓不絕稱盛族焉

縣丞

缺裁

有劉睿董思銘馮吉楊廉周傑施會咸景泰以前不詳其行事方所睿思銘間有修建功焉

主簿

缺裁

明初有李整者永平樂城人有廉勤聲與知縣陳忠憲率邑老尹于文奏免縣稅民至今懷焉繼之者李素魯恭余勝皆不詳其行事方所又有覃姓者廣西容縣人性狼毒宣德間諸生或不赴省試遣隸勢拘痛箠遞之行景泰以前可見者數人耳嘉靖復設於是富順劉希簡以進士爲給事中左遷日談文藝與

華容縣志

卷之五

官師志

十八

士大夫遊擢富平知縣稍遷至南安知府厥後有蜀人許堂內江劉僖河南陳金順德楊管大竹黃宗澤巴縣馬驥淞江陳玠歙縣程文濡雅州楊茂和達州袁騰北安胡義桂鄞縣李生麟分水陳子望玉山李見可貴州高璵分宜趙捷南召董惟孝延平陸燾山東李驥良福建魏應臻楊思汲仁和田世科祈門張國勲堂以貲貢除最久僖起家知印有志操遷麗江府經歷宗澤亦資貢驥玠咸以典史遷而驥以廉能稱民志之金管文濡茂和騰北璵咸起歲薦茂和累死郡邸獄璵居常扼腕不得從賢書卒訓其孫成名

生鱗見可子望捷惟孝意良國勲咸貲貢生麟捷驥  
良名家子國勲賈人昏眊尸其官驥良惟孝先後死  
廨中子望以廉能爲長吏所疾讒之褫歸桂燾應臻  
思汲世科俱起刀筆間而桂有修城功及初行免役  
法人便之然以其才凌轢長吏亦以此得禍去燾勤  
儻爲民圖利害世科有儒人行廉峻不可犯時承羅  
尹之後吏人驕橫蔑視官長世科嚴繩之不少假邑  
用帖然左遷王官惜矣應臻未踰月免

俱錄  
孫志

教諭

元以前無考

華容縣志

卷之五

官師志

十九

陳其信

楊貫道洪武初有徒學功

宋元達本邑人以經明行修薦除建殿廡堂齋及櫺  
星門功最多

魯鼎

王九思蜀人永樂間端方廉潔不責生徒贄致仕去  
魯省已江西永豐人以禮記名天下擇近舍爲講堂  
與諸生正句讀每讀必夜分不少倦以憂去諸生思  
焉

董墳

趙瑄號慎軒浙之黃巖縣永利橋人工於詩有慎軒集行世正統甲子以六經試舉於鄉明年舉進士乙科謁選授華容教諭勤於課士黎劉二公則其及門高足也丙子陞山東博興知縣九載滿致仕歸劉忠宣公任浙布政按臨黃巖吊慎軒墓詩曰時雨華容道清風博野亭懷師不可見墓草自青也黎文僖銘曰泰山巖也楚水溶也先生政教山水兮何窮

夏朝甫

熊大觀

江溥

華容縣志

卷之五

官師志

二十

顏信丹徒人

江京開化人

鄭焯莆田鄉貢成化末以訓導遷

徐大用鄉貢第二正德初乙科儀矩端詳經學純正諸生雖燕見必以冠服勤於教人日課諸生藝有不善必跪庭罰之諸生無不心服者故華容人至今稱徐先生云任九載考最陞廣東肇慶同知

黃待顯字君俊莆田鄉貢力學不倦遇諸生嚴有禮縣令李文泮餽邊幅自尊大顯不少屈舉正德丁丑進士歷戶部郎中議大禮謫戍卒

彭易廣東番禺鄉貢正德十二年任陞袁州府推官  
蔣崇祿四川華陽鄉貢嘉靖初任勤於課試故科甲  
日隆後知石泉廣濟二縣

楊文郁江西玉山人素有文名以歲薦任華數月遂  
罷未見設施

楊琨廣西桂林鄉貢精醫善烹飪置學政弗理堂齋  
生荆棘而數彘攝縣務時駕幸承天集民夫騎琨緣  
爲厲階上攘下剝貨賂倍於徵派民弗立辦則法外  
爲桁楊杻械雖剝膚弗恤尋爲御史按治伏其辜

謝敦太平當塗歲薦文雅有氣度子裘舉進士生華

華容縣志

卷之五

官師志

二十一

容學舍

鄭寄思

名見郡志行踪無考

王伯麟雲南嵩盟州歲薦清操實行蠲常例創尊經  
閣及號舍然剛正每與縣令郤遷遼府教授去

安憲陝西咸寧鄉貢善時義應聘主福建試没于南

昌官舟

楊岳字子方貴州永寧衛鄉貢修儀偉服進止閑肅  
遇長官暨諸生咸有法當路稱之命署巴陵巴陵附  
郡郭諸務叢劇岳從容應之士民戴焉遷溫州府通  
判禦倭有功進同知

林鉦福建閩縣人歲薦遷淮府教授

盧尙謨四川開縣歲薦性坦易與人無城府遷蜀府教授去

劉元相廣西全州鄉貢有政事稱遷嘉魚縣知縣終高州府同知

陳時教字敬敷四川均連鄉貢繼元相溫雅廉直士論重焉時承督學講理之後士習務飾虛名趨競冀獲賞擢予奪之權全歸師儒而門隸姚汝賢因爲奸利士畏其口貨賄盈門人鬼喁匕時教至首退汝賢弗之用卻諸生禮遺尊禮實行風俗稍變庚午聘主

山西試尋遷袁州府通判

何寶河南固始歲薦頗有文學名褫歸

謝師正益陽歲薦衰老卧疾歲餘去

魏顯國江西南昌鄉貢任未幾以目疾免其文學足稱也

竺彩鳳雲南臨安鄉貢陞思南府推官

王直卿宣城歲薦江夏訓導遷至

楊明禮雲南太和鄉貢外和易多禮文慶弔施及胥吏士人輕之歲戊子夤聘應天試中道失其符牒幾不獲入又遜謝諸同舍進士不閱卷當事者擇一卷

予之遷雲夢知縣調貴州清平縣爲鬼所侮卒

羅廷槐臨武歲薦

張應選江陵鄉貢陞貴陽府推官

嚴守國孝感歲薦

呂蕤河南密縣歲薦以無爲州訓導遷有母年九十

蕤能孝養無何棄官奉母歸

万應時直隸廣德州歲薦

范國選雲南馬龍州人

曹繼河南扶溝歲薦以黃岡訓導遷以上俱萬曆間任

陳文華

華容縣志

卷之五

官師志

二十三

季建極雲南人署縣篆三月

李大覺字學之進賢人捐俸修學不時課士梓其文

之佳者遷穀城令攝襄陽賊破城冠帶縊樹下

趙國璧漢陽人嘗捐俸修學宮

夏承華永州人

胡之寧孝感人

國朝

王旦生字懷葦漢陽人

熊兆盛漢陽人

黃道隆荊州人

吳正盛漢陽人

龍 登公安人

詹 南富陽人

龔逢列蒲圻人

甘和大德安人

金岱字山長天門舉人

沈坦之字天路天門舉人

歐陽暹字子晉漢川舉人習爲詩有栢悅軒集藏于家淡泊簡易蕭然自得也子遷庚午鄉薦孫景緻景至亦先後獲雋

華容縣志

卷之五

官師志

二十四

繆陞字出谷歸州例貢康熙四十六年陞任

朱肇懋監利丙子舉人六十一年任精于制義然韜晦不自多家酷貧官華六期值歲儉數口常饘粥不繼云雍正七年以疾卒岳城

譚尙節衡山舉人雍正八年任才情敏捷整飭學規不時課士士有不法者面斥之不稍借倘被胥役欺凌必與長官分廷爭之獲直乃已人以故多之後因疾辭抵家遂卒士人惜之

陳世龍祁陽舉人由壬戌明通乾隆十一年任

黃嶽嵩城步舉人由甲戌明通乾隆二十年任



訓導

謝安孚

沈欽浙江海鹽人性謙讓嘗簡諸生八人教之已更推其長魯省已而躬肅儀送館中時加詢調如父兄張貫江西吉水人宣德間與曹良同任性古樸以尙書授生徒日夕弗輟久愈篤卒于官

鄭焯福建莆田人鄉貢成化間遷本學教諭

吳瑞

李岳彭縣人正德間任

王仁該泰和人通問學有純行遷東安教諭卒

華容縣志

卷之五

官師志

二十五

向陽岳池人遷石泉教諭

顧誥成都人嘉靖間任

陳國卿宜賓人

嚴師賢慶符人儒雅坦實未幾棄官去

黃元善四川人遷韓教諭

杜平泗洲人溫醇足稱遷四川新寧教諭去

賀采涇陽人病歸卒子孫有留華者今爲邑西賀氏

李孚慶浮梁人文雅沉毅能賦詩遷攸縣諭

戴鏜麗水人有文學知人善處事上下咸得其歡後

屢遷至松溪知縣

師賔裕州人憂歸再除息縣雅善醫性伎忍顛倒毀譽諸生年少者率被其毒

吳獻忠雙流人醇雅識事善處人遷中部教諭

趙時舉武陵人儉慎自守遷沅州學正未任卒

李謙武岡州人

吳遂敷廬陵人老不弛厥守遷盧溪教諭

胡邦順湘陰人不責諸生贄遷教諭

劉文元字長卿黃岡人少博學有奇節師事麻城耿大中丞雅善孝廉王追美美死爲教其孤一鳴長成之具耿中丞托孤述中遷東安縣教諭

華容縣志

卷之五

官師志

二十六

吳權崇陽人挾智數強幹能任事 受知分巡周公亟譽之嘗監修文廟已又以分守梁公屬修隄防堅苦不避勞御史按其才薦之四川渠縣知縣王臣長沙人遷安陸教諭在邑有修隄功

徐執中

胡性

徐一清

蘓茂

尹清

曹良

鄧弼

歐陽器

彭燦

習善

王甸

歐陽文

舒洪

秦遊

鄭康

蔣緒武進人

華容縣志

卷之五

官師志

二十七

劉章新淦人

沃饒海塩人

羅表廬陵人

陳麟廣德人

裴裳墊江人

曹旦貴溪人

魯可凡孝感人

李凡蘄水人

翟近臣廣濟人

國朝

王希文漢川人例貢

張世斌江陵人例貢

侯玉楷黃陂人歲貢

江洪元江陵人例貢

高承欽竹山人例貢康熙三十五年任陞教諭

楊而春五寨司人歲貢康熙五十三年任

王廷簡通道人歲貢雍正四年任

李孔授衡陽人優貢雍正<sup>七年</sup>任後陞長沙教諭今陞

府教授

李如椿武陵人歲貢乾隆十年任

華容縣志

卷之五

官師志

二十八

郭如嶧字右鳧湘潭人性和夷不設城府士有執贄來者輒問所從稍不合即却不受教人以敦品爲先間出談諧語俱軌於正論文以平正通達爲尙蒞任六載俸滿休致邑士勒去思碑於署前以志不忘云  
羅連才茶陵州歲貢乾隆二十一年任  
李煥醴陵廩貢乾隆二十三年任

僑寓

南朝宋

高道慶順帝時直閣將軍在華容假還江陵與車騎將軍沈攸之爭戲槩馳還建康言攸之反狀攸之卒自縊于華容櫟林

五代

嚴隆關中人節度使武元孫也父廣遠仕馬氏因以女適周行逢至隆遂遷華容死塋鹿湖山其家釐爲八族八明舉進士鄉貢無筭至今稱盛族焉

宋

華容縣志

卷之五

官師志

二十九

劉寶東平人以都統制從岳飛破楊么覩華容山川遂卜居焉後爲淮南安撫使完顏亮逼淮南寶遂棄城散部曲終身隱東山今其家最盛男子至千餘人九世孫仁宅十世大夏咸爲循吏名臣楊世傑同州人洪都安撫使子宣義卽因宦遊徙居華容或云爲華容令大都南渡後關中没于女直矣數傳至元末有元勲者從姑姓爲黎卽文僖公之祖也

蔡暘暉浙金華人從岳飛征楊么於洞庭以功授岳陽軍節度使留鎮其地遂世爲華容人長子龍昇掌

兵都尉龍昇子鳳從鳳鳴鳳鳴子萬英元副都尉鳳  
飛子萬石萬石子朝齋元樞密使有幹理才見總志  
至明遂以文顯科貢不已

元

王子民蒲圻人任新喻知縣謫華容明山巡檢遂爲  
華容人戶侍儼是其後也

蘭室色目人上世徙居華容金華東陽李序送蘭室  
歸華容序云蘭室西域之貴胄也從其兄監縣公遊  
於東陽邑之大姓巨室無所與也其與交者儒雅儉  
質之人也衣不尙文綉食不至重味言不及官事行

華容縣志

卷之五

官師志

三十

不爲矯激論說古今怡然而已其樂信何如耶今將  
歸華容所與遊者詩賦以餞之屬予爲之叙予爲之  
言曰從宦於父兄而樂非其所宜樂者其留施也  
其去戚也樂其所宜樂者其留訢也其去囂也  
也而復至亦囂也然也蘭室豈不誠賢哉由是觀之  
其父兄之教斯可知矣

明

蹇賢以湖廣右布政使督修華容四十八垵遂留居  
焉今石龍山有蹇布政故宅子孫今居白竺寺畔  
程永興徽州休寧人洪武末任華容教諭革除間道

梗遊石龍桃花諸山樂其風土遂留居焉

居忠固始人永樂初以鄉貢除知華容繼陳忠獻其子贅張氏遂留弗歸

白整

見前

謝安孚石首人洪武間訓導遂家華容青湖村謝文獻輩其後也

吳瑞淞江西安人正德初以歲薦訓導華容死弗克歸遂家焉

范國選雲南馬龍州人以江華訓導遷華容教諭時溟中亂道梗國選遂卜居焉

華容縣志

卷之五

官師志

三十一

其以封國見史策者漢順帝立錄功臣封宦者王康爲華容侯靈帝時宦人居瑀誅竇武功亦封華容侯晉惠帝時蜀亂南郡之華容江陵監利三縣別立豐都合四縣置成都郡爲成都王穎國居華容縣晉劉道規以起義誅桓元勛封華容縣公宋王宏封華容公梁昭明太子長子歡封華容公梁杜幼安復封華容縣侯

賀采

見前





典史

明初多弗可考聞有王希者景泰間修儒學饌堂天  
順則金谿周紹綱成化則閩縣蕭均暨張瓚宏治則  
方雨暨曲阜趙鑑正德則台州林勤墊江陳漢仁嘉  
靖迄今則有豐城劉景莆田陳弼南昌徐任姑蘓許  
錦莆田吳瑀襄垣楊楠新建周正冠清江盧治萬年  
朱覽南海黃炳錢塘陳談眉山黃嘉祥豐城蔡良臣  
姑蘓袁鏞合州夏天枉福建吳瑄四川馮嘉試福建  
歐瀾劉坦溫州鄭正威廣西李朝科惟景任瑀嘉祥  
有志操類士人行而嘉祥之清苦尤人所難者弼覽

華容縣志

卷之五

官師志

三十三

良臣天貴坦稱能焉坦狡詐能得長吏歡爲上官所  
信顛治隄防稍乾没得利去而以其名累後來者率  
撫坦事黜之然正威實駮愚北直指遣之去已部擢  
吏目仍欲乞符以行嘉試最貪橫獲主簿善地朝科  
頗勤力不懈會萬歷三十八九年大盜再入城上官  
怒責朝科遂監修諸城堡其子冒風濤追賊死洞庭  
中瀾坦朝科咸遷獄官去瑄誕肆亦無故爲綱運別  
駕許禠孫志

明萬歷四十年以後者

糜斯和擊賊有功

張承恩

國朝

高國元字梅菴福建人子孫今家於華

王朝相

傅文奎

楊文達字二慎江南武進人性廉介通文義亦經吏事蒞華十七年康熙甲寅兵變縣令遠遜文達身任邑事不稍避及吳逆據岳多端擾害民無寧日文達力爲調護又江陵築防故索協濟夫千百于華文達痛哭詳請工歸江陵華民得甦闔邑紳士勒碑以垂

華容縣志

卷之五

官師志

三十四

永久旋遣妻子歸棄職落髮隱邑之東山普蓮寺後復隱石邑南岳山值石令黎係同籍且與其侄同登進士受託密訪得實特造請還俗歸里乃堅志不允未幾卒華民思其舊德列石刻像城隍祠中

洪昌言東流人時邑令爲徐元禹頻年調赴辰沅軍前已又時赴會城理錢法開銅壙大小事多委捕廳處分洪亦能於職事善趨承故徐始終任之後徐悟其詐洪知機乃謝疾去

馮英傑鄞縣人字道發性樂賓客所得俸悉付之中饋值空乏即以公服入質庫任二十年陞山海巡檢

聞在彼亦不改在華時旋卒于官

錢志仁浙江山陰人任四年卒

楊之藩山東濟寧人以計典去

宋 玠浙江山陰八訥匕似不能言而城府深細莫  
可端倪云

沈士傑豐潤人雍正三年任

李思義太平人雍正七年任以上纂  
王志

張文彬延慶州人雍正十年蒞華離任後留居城北  
市十數年卒其次子家於華

李賓臣寧朔人乾隆七年任

華容縣志

卷之五

官師志

三十五

秦 隆浙江紹興府山陰縣人乾隆十四年任

黃之陞字以蕃江南歙縣人內閣供事乾隆□十三  
年任

沈 昕順天大興人乾隆二十五年任